

Reglugerð um fræðslu- og útbreiðslunefnd Þríþrautarsambands Íslands

1.gr.

Skipun

Fræðslu- og útbreiðslunefnd ÞRÍ starfar samkvæmt lögum ÞRÍ um fræðslumál og leysir úr málum eftir ákvæðum þeirra laga og reglna. Fræðslu- og útbreiðslunefnd skal skipuð a.m.k. þrem einstaklingum. Formaður nefndar er kosinn af þingi ÞRÍ í samræmi við lög sambandsins og skal nefndin skipta með sér verkum.

2. gr.

Fundir

Nefndin skal koma saman þegar þurfa þykir en að jafnaði eigi sjaldnar en annan hvern mánuð. Formaður boðar til funda og stýrir þeim. Heimilt er að halda fundi í gegnum fjarfundarbúnað. Formaður nefndar annast útsendingu fundarboðs með dagskrá og heldur fundargerð sem send er til nefndarmanna og stjórnar ÞRÍ. Erindi til nefndarinnar skulu vera skrifleg og berast formanni eða skrifstofu ÞRÍ sem tekur þau til afgreiðslu.

3. gr.

Hlutverk og verkefni

Fræðslu- og útbreiðslunefnd ÞRÍ hefur umsjón með stefnumótun í fræðslumálum og námskeiðahaldi innan íþróttahreyfingarinnar. Nefndin er stjórn ÞRÍ til ráðgjafar varðandi útbreiðslumál í samvinnu við aðrar nefndir ÞRÍ og starfsmenn sambandsins. Nefndin vinnur að eflingu þríþrautar fyrir börn og ungmenni og er ráðgefandi um verkefni, æfingar og keppni, sem henta hverju þroskastigi. Nefndin annast upplýsingamiðlun og almannatengsl.

Helstu verkefni fræðslu- og útbreiðslunefndar eru eftirfarandi:

1. Að hafa umsjón með menntun þríþrautþjálfara.
2. Að halda skrá yfir alla þá sem hafa lokið þjálfaramenntun hér á landi eða erlendis.
3. Að annast endurmenntun þjálfara.
4. Að taka þátt í alþjóðlegu samstarfi.
5. Að afla og miðla upplýsingum um þjálfun og námskeið hér á landi sem og erlendis.
6. Að vera umræðuvettvangur um framfarir og þróun á íslenskri þríþraut.

4. gr.

Önnur störf

Fræðslu- og útbreiðslunefnd skal annast sérhvert það verkefni sem stjórn ÞRÍ kann að fela henni á hverjum tíma.

5. gr.

Ágreiningsmál

Stjórn ÞRÍ sker úr öllum ágreiningsatriðum sem kunna að rísa út frá reglum þessum.

6. gr.

Gildistaka

Starfsreglur þessar taka þegar gildi.

Samþykkt af stjórn ÞRÍ 26. nóvember 2023